

八博吟



上

八
甄
吟
館
刻
燭
集
序



八甄吟館刻燭集序



元積得漢晉八甄貯之小室題曰八甄吟館諸友于
三浣之暇吟詠于此但祇刻燭一二寸匆匆不似賦
日五色者矣名之曰刻燭集猶草藁也其閒覃溪先
生暨蔣蔣山陳雲伯三詩乃曩日之作屨于今詩內
者編為二卷後有作者當再續之阮元識

分詠秦漢六朝十印

附考

秦海上嘉月鈇

平湖

朱為弼

右甫

漢李廣印

錢塘

陳文述

雲伯

漢劉勝印

會稽

顧廷綸

鄭鄉

漢薛長卿印

顧廷綸

漢司馬遷印

江都焦循里堂

漢王禁印

烏程張鑑秋水

後漢李忠印

錢塘陳鴻壽曼生

後漢竇武印

元和蔣徵蔚蔣山

後漢張成印

石門方廷瑚鐵珊

晉劉州印

儀徵阮元雲臺

雲臺峯用蘇黃壺中九華倡和詩韻

有序

阮元

儀徵許珩楚生

南城王聘珍貞吾

濟寧王宗敬禮思

顧廷綸

張鑑

朱為弼

方廷瑚

置西漢定陶鼎於焦山媵之以詩

附考

阮元

許珩

王宗敬

顧廷綸

張鑑

焦循

朱為弼

方廷瑚

分題琅嬛僊館所藏畫扇各得十絕句

王聘珍

許珩

王宗敬

陳鴻壽

唐雞林道經略使印歌 并考

以上第一卷

八甄吟館分詠漢晉八甄 附考

西漢五鳳甄

大興翁方綱 覃溪

顧廷綸

張鑑

吳江程邦憲 竹厂

朱為弼

方廷瑚

阮元

許珩

西漢黃龍甌

陳鴻壽

漢永吉甌

顧廷綸

吳蜀師甌

阮元

吳天冊甌

朱為弼

東晉大興甌

王聘珍

東晉咸和甌

方廷瑚

東晉興寧甌

張鑑

漢金釭歌

有序

張鑑

焦山漢鼎歌

吳縣

吳廷琛

棣華

題秋江載菊圖

有序

阮元

許珩

張鑑

朱為弼

分詠十三酒器詩

有序并附考

周惠卣

許珩

周象解

吳廷琛

周遽仲解

浦城

陳壽祺

恭甫

商父辛彝

錢塘

何元錫

夢華

周仲姜鬯尊

王聘珍

周亞占

顧廷綸

商子執戈觚

陳鴻壽

商父乙解

張鑑

周父癸尊

朱為弼

商父丁角

阮元

商大戊爵

阮亨 仲嘉

商父辛爵

阮蔭曾 封沂

周史賓鉶

阮長生 壽昌

題朱氏月潭八景圖冊 有序

奉賢 陳廷慶 古華

以上第二卷

程邦憲

朱為弼



八甄吟館刻燭集卷一

秦漢六朝十印詩

秦海上嘉月鉞

印作曲矩形白文旋轉五字曰海上嘉月鉞案史記陳涉

世家有陵人秦嘉注以為泗水國凌縣考凌在今安東間地瀕海故曰海上月說文

云闕也鉞即璽字

平湖朱為弼右甫

琅嬛仙館得古印如磬矩折形模奇文曰海上嘉月

鉞篆體頗類鐘鼎彝璽書璽節稽昔制泰山梁父封

禪遺黃金白玉螭虎鈕璽屬帝王炎漢儀秦印金銀

銅犀象曰璽上下皆同之變文作鉞臬脾社字乳殼

殼孿生孳載考史記暴秦末凌人秦嘉稱武師秦時

凌邑濱東海斷爲嘉鈇夫何疑祖龍旣死四海沸夜
狐一呼羣雄隨鸞飛鳳翥咸陽寶金神不守將母危
郟下一軍自孤立連營百里喧鼓鼙甯君公孫作羽
翼倉頭狙狙豺熊羆竹符安用奪郡守赤鞮那待頒
夥頤磨刀矯殺武平畔大司馬印鐫金龜景駒楚立
張楚敗將軍握節麾旌旗武都紫泥何處得亂鈴羽
檄紛交馳此乃私印作鼻鈕蟲魚不仿丞相斯青琅
玕折珪琬角紫鞮鞞畫泥沙錐窪中似掘白窠石象
形合挂珊瑚枝斗檢封制古如此說本北海非余欺
洪鑪何物同凍鑄或者戮戟瞿矛鉞彭城方與往來

道腰佩曾不須臾離一朝事去天不祚旂常竹帛無
勳垂居巢亞父佩將印祖其意立看羊兒重瞳匹夫
何足道印刑自敝空爾爲真人豐沛提劍起金章一
櫃收遺規子嬰蒲伏上神器趣刻繆篆侯王宜大黃
威火收璽綬老婦擲地角亦虧獨此闕鈇實無闕千
年碧土黃落滋轉入大雅吉金錄紅沫觸手生春姿
抗衡斤權嘉量寶追陪日觀琅邪碑原父恨少先秦
字得此摩弄應嗟咨同時雞石布縹輩豈無肘後懸
纍纍因人作事卽錄錄公等乃其鱗之而銅花銅葉
日零炙北邙衰草嗥猩猩亦有成師聶伯鈇倉籀點

畫擎蛟螭冥漠君與子虛子我縱欲說難為詞勝梁
崛起此鼎足名不剝蝕神護持項顛劉蹶頃刻耳鉤
乎鉤乎知不知書堂觀玩發浩歎一彎明月悲秦時

漢李廣印

白文四字曰李廣印信案自漢至北周李廣有五漢有兩李廣一見史記漢書一見後漢書一見晉書李勢之弟一見北齊書文苑傳一見周書蕭詧之將此印甚古

錢塘

陳文述

雲伯

定為前漢物

嗚呼飛將軍數奇不封侯結髮大小七十戰惟餘一
印千秋畱將軍起家良家子得士能令士心死無雙
才氣泣公孫刁斗行軍安足比雁門秋老生邊塵將
軍此印應隨身篆文劃斷瀚海雪虹光透出天山雲

紅沫棱棱土花暈定為將兵作符信謝罪曾鈐幕府
書酬功誰授梁王印我思漢文恭儉稱賢主禁中頗
牧慕良輔賈生不相廣不封縱遇高皇亦何補又聞
武帝恢雄圖丁零鄯善開邊隅但以私親封衛霍不
使名將當單于老去藍田甘棄置東道行師復何意
一代威名右北平但畱虎鈕旁邊字銅花不覺摩挲
久當年曾縮英雄手志士成功自古難庸夫獲福從
來有君不見李蔡為人居下中肘後黃金大如斗

漢劉勝印

印四字曰劉勝私印勝字白文餘俱朱文案前後漢劉勝有三一見前漢書景帝子中山靖王一見後漢書和帝長子平原懷王又後漢書杜密傳劉勝

人 穎川

會稽 顧廷綸 鄭鄉

棣鄂風寒枝葉弱黃金斗大鑄成錯叢羽折軸口鑠
金中山一印人間落漢家骨肉誰最親當筵絲竹增
哀辛高帝子孫盡龍種相待不若尋常人不若尋常
不足責謀臣設算無遺策但願堯符衍萬傳區區削
土臣何惜吁嗟乎一尺布尚可縫一斗粟尚可舂屠
沽繒販繫侯印煮豆泣釜誰相容儒者攷古識遺事
此印摩挲不能置一涕真回天子顏千秋畱得藩王
字炎網垂滅火井然金刀剛卯重復延君不見平原
蚤死季林老空悲腐草羞寒蟬

漢薛長卿印

白文三字曰薛長卿案薛廣德字長卿見漢書本傳

顧廷綸

黃龍上驂赤運徂初元初政稜多模紛紛金紫不足
識一鶚唯傳薛大夫大夫忠蓋世無匹篆籀畱存鐫
直筆經行先登薦士函諍聲已警郊宮蹕射熊諫草
不可刪長楊車駕登時還長卿一印認明滅截肪徑
寸花斑斑吾思相如當日主風諫茂陵遺稿求封禪
生前亦有阻獵書虛辭可令他人見盤螭角缺雞角
生乘船就橋徒廷爭皇唐符寶聽一擲金章誰復珍
其名張光祿蕭御史賢哉西京兩君子一負知人一

曉人直臣令節全終始千載芳名三字間古落鏽澀
文爛瀾他歸印縣車事更有清風不可攀

漢司馬遷印

白文三字
日司馬遷

江都

焦

循里堂

太史公何年摹印剗山銅天漢至今二千載蟠鈕犢
鼻青璣瓏吾聞漢武制印印五字此印不關封爵豐
白茅夜立羽衣肅天土地士煩雕工大將軍印錫塞
上銀黃交錯光熊熊是時蠶室共觀笑一死輕若毛
生鴻吁嗟乎鐵騎三萬出高關何如百三十卷成史
功河渠封禪倩誰筆金剛靈壘歸秋風允宜金鑄祀
百世後裔食采徒史通此印自有鬼神護隱隱血氣

陰宵紅不華摩挲弔古物詎能與此爭雌雄所惜良
友既盡外孫戮遺書零落紛殘叢龍駒繼疇見微意
十書補綴勞褚翁當日丹泥一一手鈐記曷慮文句
多少是非真偽殊難同

漢王禁印

白文二字曰王禁案漢書元后
傳孝元皇后父名禁字稚君

烏程

張

鑑

秋水

月精五鹿漢祚徂張永銅壁紛貞符陰為陽雄水火
殊六百四十期不渝爰誕聖女姪從姑禁乃莽祖貌
生羆刑名學成吏羣趨腰纏私篆用自娛生沙剝落
活翠枯中蟠兩字深可摹持刀立旆形相扶參錯史

籀糾珊瑚阿誰漉井搜離朱易之豈惜千青蚨稚君
舊事班史俱摩挲十指心煩紆五侯同日耀通塗煌
煌歔歔金印麤未央宮中鳴笙竽老姦置醜稱歡愉
投璽詬天羞區區欲與俱葬胡其愚君印臣印徒嗟
吁爬剔跟肘忘飢飭想窮法律操譎瓜廷尉名姓播
兩都有時掉棄如索逋好酒及色無時無甘露五鳳
同隙駒一跌赤族輸菰蘆吉金闖人朝復哺圭角完
美兼廉隅漢書侑竚例髯蘇對此直足傾百壺吟成
交付平頭奴檐角冬青唳鶉鵠

後漢李忠印

白文二字曰李忠案李忠有三
一見後漢書本傳一見唐書三

宗諸子傳一見五代史李自倫傳此
從顧氏集古印譜定爲後漢李忠印

錢塘 陳鴻壽 曼生

巨莽請刻宰衡印赤眉得璽重獻進白水真人靈貺
甄李侯所向軍威振黃金斗大列爵尊忠臣必求孝
子門母妻被收勢孔迫殺賊豈足明酬恩軍中馳驟
大驪馬繡被清宵燭光炮不須辨印煩馬援頗恐囊
金羞陸賈圍城黯黯弓刀寒風聲鶴唳摧心肝賜錢
千萬救不得背人血淚如珠彈一朝收復全家屬報
讎不忍恣殘酷恩怨分明忠孝兼莫將成敗論碁局
丹陽道上竹馬迎墾田建學致頌聲三公奏課稱第

一訟庭花落啼春鶯區區私印傳禩載摩挲合作瑤
瓊佩憶解長襦教澣時不知賜綬今何在琴亭餘澤
已迢遙中水寒流自晚潮何處殘霞橫一角明砂騰
采徹層霄

後漢竇武印

白文三字曰竇武印見後漢書本傳

元和

蔣徵蔚 蔣山

井中玉璽奪月光銅盤折矣天蒼涼桓靈之際代更
嬗無端一印關興亡蟲沙名姓紛無數龜鈕至今猶
左顧知是將軍一片心土花蝕損精靈護中官得志
黨錮危大臣何用椒房私批鱗特抹黃門獄想見庭

前解綬時筦霸雖休李杜死明年竟應童謠矣長樂
初收北寺寒此印定然隨指使太白灼爍宮門開刊
章中變臣之苗五校旣散臣力竭大將軍敗非天哉
漢家自此悲無奈轉眼雒陽城又破火氣銷將國運
殘一十八朝彈指過煌煌手鑄蛟螭文黝澤化作荒
郊雲可憐不得此印力慟哭都亭授首人肘後藏來
餘寸組棄置甘心理故土漫隨壞鐵到人間恨不親
鈐誅節甫摩挲陡覺雙眸明銀章流落難爲情小物
千秋增感喟誰傳賣印是游平

後漢張成印

白文四字曰張成千秋案張成張儉父江夏太守見後漢書張

儉傳千秋
當即成字

石門方廷珣鐵珊

積古齋中積古印辟邪螭鈕蟲魚章張成千秋此其一證之史冊名垂芳先世橐駝篆封璽漢初藩列諸侯王兩轡五馬守江夏腰間懸印金輝煌此邦夙昔號難治萑苻出沒殊披猖手握銅虎事捕逐紫泥鈐處森鋒鋌此係私印鑄姓字結佩紫綬葱珩璿是時直弦遺奇禍曲鉤秉國墮綱常圭璧鐵券詫怪異鋤田得印稱上皇廟堂侈口說符瑞中黃藏府生芝房銅人黃鐘數各四蝦蟆天祿誇光芒有子督郵列八及彈劾不畏常伯強禍起獲印周仲進東萊轉徙投

龍荒此時乃公何處避此印應貯青緗囊清名藏匿懼黨禁至今成字史不詳自古曲直有公論鳶肩豺目徒猖狂連雲第宅懸鐘鼓一旦事去悲滄涼大將軍印大如斗害金銷鑠歸何方獨此方銅不盈寸父矩翼子名昭彰土花暈碧無剝蝕冥漠定有神周防不然進武誅宦寺赤伏符璽猶淪亡此僅二千石小印至今寶玩同圭璋少府之印不可見見此令我心徬徨編入歐陽吉金錄此印壽亦千秋長

晉劉淵印

朱文四字曰劉淵印信案淵字元海見晉書前趙載記及魏收魏書

儀徵阮元雲臺

漢寶缺角銅人亡永嘉六璽歸晉陽中間竊斂數十
 載天生漢甥劉元海元海二角真英雄蛟龍那得居
 池中可憐王侯降編戶劉淵名但鑄頑銅此銅鑄印
 尚青組隨陸文兼絳灌武朱范同門傳五經曾以書
 緘印封土無端玉璽來河汾改元刻瑞增三文淵於汾中
 得玉璽增淵海光平陽光昌漢天子豈監司馬家兒
 三字改元河瑞軍當塗典午皆成篡昭烈廟中出降禪公主之孫能
 復仇人心到底思炎漢惜哉和曜性不仁不及李淵
 生世民若使石苻奉漢璽諱淵久已如唐人我今得
 印繫之肘剛卯金刀辟邪鈕回水為淵屬象形想見

單于文在手

元海生有文在手曰淵故名

浙撫署東偏誠本堂有巨石以漢慮僂尺度之

高一丈二尺有奇勢如夏雲初起卓立成峯

足圍甚小而要頂幾兩倍之峯之可望可穿

上下通透者三十一穴予於嘉慶七年移立

澹寧精舍方池中以予字字之曰雲臺峯予

鄉本有雲臺山也因用蘇黃壺中九華倡和

詩韻題之

阮元

雲臺海上有高峯何日為雲上碧空隨我南來三竺
 外引人遊入九華中臨池當戶堂堂見透月穿風面

面通欲與石交商一語那如鐵壁不玲瓏

和作

儀徵許珩楚生

五丁昨夜攫前峰曉起當階秀色空急尋靈鷲天竺

外宛置方壺瀛海中百金那用清俸買兩字應有精

神通好寫新詩當碑記銘椎琢遍玉玲瓏余臥榻在誠本堂右

故首二句云云

南城王聘珍貞吾

環湖七十二高峯峯有靈根透碧空片石飛來蓬海

上先生移入畫圖中欲教出雨崇朝徧直與高臺列

宿通無限春星照池水仙風吹響玉玲瓏

濟寧王宗敬禮思

分來仙島獨成峯開府題名矗太空雲起欲連天尺

五臺高儼配岳居中骨緣秀削亭亭立心自虛靈面

面通願學南宮先拜倒傳經還憶玉玲瓏山東試院有玉玲瓏石

顧廷綸

似從淮海毓奇峯忽地飛來峙遠空萬古池通石天

外一條冰在玉壺中足浮瀛嶠排虛上頂壓芙蓉入

望通觸處定教出雲雨慎無輕扣碧玲瓏

張鑑

晴雲一朶壓羣峯珠浦重來又碧空魯直題銘輸肘
後南宮結契想圖中雨餘闔苑仙脾重花亞朱陵地
肺通誰數錢唐龔主事宣和舊物玉玲瓏

朱爲弼

別院移來此石峯碧螺浮水翠擎空洞天福地仇池

外瀛海仙山丈室中詩和蘇黃雙韻合州誇元白一

江通中丞師正月廿日生與白樂天同日且同持節杭州出雲常願爲霖雨不

用雕文禱旱瓏

方廷珣

一卷蒼石幻奇峯一朶青雲立碧空合有飛仙來掌

上定教顛米拜庭中四圍花竹重重蔭丈室煙霞處
處通玉骨冰心兩相映仇池尚恐遜玲瓏

置西漢定陶鼎于焦山媵之以詩

阮元

西漢陶陵鼎以漢慮倂尺度之高七寸三分身
高四寸二分蓋高一寸六分蓋上有三環各高
一寸二分兩耳高二寸二分蓋鑿隸書銘大字十五
五色斑駁腹有稜純素蓋鑿隸書銘大字十五
日隃麋陶陵共廚銅斗鼎蓋并重十一斤小字
四日汧第卅五器鑿隸書銘大字十七日隃麋
陶陵共廚銅鼎一合容一斗并重十斤小字十
六日汧共廚銅鼎容一斗重八斤一兩第廿一
案漢書地理志隃麋汧二縣屬右扶風後漢書
耿弇傳建武四年封耿況爲隃麋侯續漢書郡
國志作渝麋又續漢志定陶在濟陰郡本曹國
後漢屬兗州刺史部郭璞曰城中有陶邱史記

云穰侯出之陶即其地定陶共王康元帝子哀
帝父永光八年自山陽徙封漢書丁太后傳建
平二年上曰太后宜起陵恭皇之園遣大司馬
票騎將軍明東送葬于定陶貴震山東共王傳
哀帝二年追尊共王為共皇帝水經注濟水自
定陶縣南又東逕秦相魏冉冢南又東北逕定
陶恭王陵此器云陶陵是定陶共王陵也隃麋
汧二邑合共此器故曰共廚銅鼎鐘鼎款識漢
好時鼎銘云今好時共廚金一斗鼎汾陰宮鼎
銘云汾陰共官銅鼎上林鼎銘云上林共官銅
鼎漢器體制如是漢陵廟皆有廚三輔黃圖昭
帝平陵為小廚裁足祠祝款識漢孝成鼎銘云
長安廚孝成廟銅三斗鼎是也此鼎蓋與器銘
辭不相應者當時共鼎正多不知何時互錯也
器銘云并重十斤又云重八斤一兩云器重八
斤一兩則蓋當重一斤十五兩矣今除蓋以庫
平法馬稱之重五十三兩七錢二分銘云容一
斗以今官倉斗較之得一升八合定陶故城在
今山東曹州府定陶縣西南予得此鼎因思焦
山祇有周鼎若以漢鼎配之經史引徵可增詩

事爰以官牘達之鎮江府丹徒縣付焦山寺僧
永守之并加冊于櫝繪圖榻款鈐印紀之以詩
時嘉慶七年
年季秋月

碧山一角浮春潮中有周鼎開雲歎古文十行照江
水百家詠釋窮秋豪千年古篆變為隸西漢款識多
鑿雕我有漢鼎五十字隃麋汧鑄供定陶斗斤兼記
古權量汾陰好時同禋祧濟水東流帝陵起巨莽掘
廚金不銷齋中拭刷出古澤鼎雖轉徙猶堅牢煙雲
過眼莫浪擲送爾安穩棲松寥焦山閣名占鉞解爵共相
餞雁銜翦燭吟清宵壬戌之秋木葉脫海門風起江
飛濤蛟鼉踏浪避金景蒼然古意生單椒此時此鼎

入山去江天寶氣騰輕艘海雲堂中多古木兩鼎局

耳初相遭周儀可補覲禮闕周禮呼史冊命之儀可補禮文之不足諸家詩

及此致未言漢事志傳徵班曹倉籀字破鬼夜哭八分不

似周王朝一波一磔湛水石同隱有似由與巢胎禽

仙去亦偶耳華陽銘尚鐫嶠嶢可知古人皆好事以

詩媵鼎各訂交他時得暇孰相訪雲帆一片橫金焦

考杜佑通典京口有譙山戍太平寰宇記亦以譙山為戍海口之山余家藏嘉定鎮江志云江

淹焦山詩舊本作譙山是北宋以前尚名譙山

北宋以後始以焦孝然事傳會之孝然避兵娶

婦于揚州見三國志注爾時孝然尚幼竝無

隱譙山三詔之事且孝然為魏以後人蔡伯喈

卒于漢末在孝然之前焦君之贊當別有一焦

君斷無為孝然作贊之事又焦山古鼎王西樵

始據韓吏部如石言為京口某公家物嚴分宜

奪之康熙間人競以為詩歌故實然自嘉靖以

後明人書集從無此說某公究何公耶然則為

如石臆語耳天水冰山錄于分宜家物無所不

載古銅器款中祇有古銅鼎二箇共重一百一

十四斤竝未言及款字且鼎甚重大非今周鼎

明矣朱竹垞翁覃谿二君深于考古者其焦山

鼎詩中皆不言此事為其無據也故余謂焦孝

然嚴分宜二事等諸無稽勿聽可也

又按焦山志云焦山有周鼎大逾斗古色陸離傳於吾鄉魏氏分宜相嚴嵩當國以不得此鼎將罪之嵩敗魏氏懼子孫終不保送焦山嘉靖間倭亂藏某官家兵退云質多金不復歸之山中矣萬歷初龐令時雍協紳士措金半百贖還山傳與二王蓋同時王西樵所云某公蓋魏氏也但據此鼎亦未嘗入嚴氏鼎自從魏氏家入焦山也惜志不詳所自出亦未可深據然自足證西樵之非

許珩

海門日射春潮紅寶氣直壓蛟珠宮天生神物美必
合盛舉獨畀陳留公昔周龍興漢天眷制典萬禩雲
仍宗酬勳太室祝冊告加禮藩服儀文隆南仲事軼
名則惠定陶謚著賢侑恭甲戌鑄器世守重隄麋給
鼎皇陵崇屨箕禍烈威斗作西京移簾姬劉同邾鄒
振搖汾寶伏勳戚故物隨萍蓬兩鼎飄泊任否運不
知淪沒誰西東周鼎先出攷訂缺何人首置山靈供
鈐山豪奪故調語神異那得汗奸凶汧鼎韜晦歷逾
久款識未見詳河東時來輾轉發光采龍津劔躍吳

山峯一朝斑駁絢幕府賓佐動色凝雙瞳拂拭歎賞
快先覩亟檢紀志稽歐洪主人是日大召客尊罍羅
列珍羞充酌酒奉鼎告四座熟計藏弄謀初終僉云
主人世澤厚仁器來託神昭融物聚所好況古語應
保千祀傳無窮主人曰嘻寧有是雪泥鴻爪宜觀空
雲煙過眼證陳迹遠期後世皆愚蠢焦山法物久乏
侶安得申甫畱銘鐘西岐陪邑定豐沛置此配食誰
雌雄布金舍衛想異域鎮玉方丈聞鄰封永離塵俗
託江水祖帳椽筆煩朋從深識快事息羣喙爭獻薄
技夸雕蟲主人立業每不朽建碑峴首懷高風諸子

詩卷勒專集牽連紀載書重重海雲堂上問彝器摩
挲黝澤生枯銅雲紘靄回辨篆籀黍龠斤兩徵權筒
鼓完劔合本同出此獨異代聯奇蹤昨占星象望斗
分有氣光怪凌穹窿山僧驚起坼龜兆黃耳玉鉉雙
橫縱我無原父集古識贈別聊附廬陵翁歸舟他日
請迂道訪爾峭壁洪濤中

王宗敬

海門潮西江水東天吳蜩像游其中浮玉東南逼揚
子江心傑立焦山峯驚濤怒吼若鼎沸斯山盪覆浮
空濛古人壓勝賴金鐵夏禹肖物傳神工沈蕤廢縣

盡陳迹可無金景藏琳宮吾師得鼎考之古隸字鐫
定陶王供隃麋汧銘西漢作惟王毓帝騰潛龍師曰
斯鼎天廟器珍奇豈得常寶庸韞之以櫝置譙頂尊
嚴當有神明通沃雲烹露擊日月舟行不若終無逢
往歲師嘗振大旅海艘萬盜鑿雄風害金消盡吉金
出鐘鼎款識王薛同今茲賦詩媵漢鼎墨灑翠綠楸
皮紅允符嘉瑞配周鼎銘壓瘞鶴超前蹤玉鉉黃耳
兆已得濟川調鼎功彌豐敬昔曾秉濟陰鐸今來浙
見陶邱銅循牆偃僂憶孔父詩歌率爾相追從他日
扁舟若訪鼎單椒莫遣雲霞封

顧廷綸

乖龍耳截秋濤奔金焦兩點浮海壘梵宇紺碧江氣
昏中有寶鼎藏雲根琅嬛積古古器蕃就中陶鼎尤
不羣隄壘汧供銅廚溫量容一斗重十斤五十二字
篆蚪文刻畫饗飡蒸回云吾師寶此如瑤琨汾陰好
時不足論肩隨周鼎若弟昆寶器不合傳子孫曰鼎
合付僧寮存銅花銅葉扶金輪莊嚴佛相獅象尊寶
花瓔珞同氛氲江流過眼皆煙雲萬年長鎮空王門
大江巖嶺天險分驅策鯤鯉如雞豚馮夷浪駕天吳
翻太乙燄熾昆吾燔列缺怒攝飛廉魂黃龍盤擎白

虎蹲捃撫星宿披崑崙以手觸之不敢捫卜惟墨食
龜策焯筮人諏吉千茅純厥篚綺組青黃纁弄以楞
積載秋輪驚潮拍岸海水渾浮玉一角晞朝瞰吉金
花雨翔彩鷗珠光照耀譙山屯兩鼎合如昏與姻以
鼎陪鼎同軌倫魚有比目文有鴛玉則同珏篴吹壘
扛之不須勇士賁媵以篇什古誼敦餞以彝卣鐘敦
尊松寥高閣旃檀薰周銘漢祝不可聞截江恐有蛟
鼉吞

張鑑

琅嬛館中定陶鼎濃綠忽壓焦山巔焦山之鼎古莫

考神物黯澹愁雲煙詩人詠歌共光價造爲詭俶吾
不然吾師好鼎如好士不令墜地遭屯遭宣德彝器
列譜系云雷饗飭相新鮮唯茲繡澀類寒餓知與人
海殊腥羶一朝刮垢露光怪耳根碌碌金鑲圓頂高
一寸腹四寸漢律黍尺通刀錢鑿款隸字得六七鉤
勒勁直星辰躔金牀不歸怨春韭寶衣已化羞寒泉
隄麋汧供記地志黃圖三輔斜陽連珊瑚鐵網豈易
邁得之乃復遺其筌朱門摒擋厭梁肉雲肩妥帖隨
臞禪以鼎致鼎古無例髣髴合浦珠牽纏不爲已有
得常有衣盃要與傳鐙傳大江寒潮捲秋雪載此亦

有沙棠船精靈月黑聞爾汝過閱人物同千年飛廉
魂苦列缺怒兩兩虹氣相騰旋華陽石墨令威歎摩
挲不異金銅仙枯木堂空搖海影松明夜炷清無暝
東西離立比夷惠銅花銅葉璀璨筵仰天一笑石鼎
句寒濤落落長松前

焦循

隄麋鼎之鄉陶陵鼎之國自西而徂東祀事薦鬼食
歲月旣久遠票泊不得息所歷知幾家主人今始得
澹寧精舍中摩挲辨古式平湖朱孝廉考古有特識
定陶亦稱陶泚水逕東北將軍大司馬送葬奉上勅

定陶恭王陵官廚器不啻此鼎汧所共有據匪私臆
僉曰鼎幸哉得依主人側主人曰否否萬事寧易測
我生保護之子孫難世德萬一鼎失所我心能無惻
爲鼎計久長窮思周四極焦山江海間卜之蔡食墨
筮人陬日吉飭匠備裝飾匱以文木雕衣以古錦織
設醴衍嘉賓酬酢日西昃人各譜新聲工歌壯行色
從此鼎入山煙霞自深匿評議任遊人永勿墮貨殖
鼎身廿一鐫鼎蓋卅五刻陳列非一枚消磨歸朽蝕
悠悠二千載獨傳豈人力寄語山之僧晨夕慎瑩拭
文王舊鼎存與山同不泐此地無譁囂相從守元默

朱爲弼

中丞夫子得寶鼎量容一斗重十斤隃麋汧共陶陵
器厥色黝赤青黃纁栗騎奉使山東震回中鑪橐蒸
團雲出土幾載藏者某呂薛圖識無明文中丞曰嘻
此奇寶奇寶安得長相保郃莒甲父舒壽夢鼎錄名
傳器難考炎漢金景披龍文美陽汾陰鼎官抱昆吾
失守螭夔飛銅葉花凋茂陵草先民大律期永年不
然銷沒隨鴻爪焦山林壑環濤波無專鼎壓高盤陀
枯木修竹映活翠九十五字蟠蚪科繆云老姦肆饗
飡西樵好事多傳譌海雲堂中閱今古龕裝燕子依

娑羅延津水立劔雙躍滄溟月出珠連柯珊瑚交枝
蒼壁合丹山鳳嘯鳴鸞和自來神物必有耦似玉名
珏穎同禾此鼎奇古周鼎匹行將什襲歸山阿夫子
勲業仲山甫共宗孔鼎肅偃俯有功不居保三壽有
器不私貽千古弟子學古慙君謨手編歐陽吉金譜
詮釋篆籀多豕魚癖好驚彝入肺腑對此濯冠焚茱
蘭案頭一日千摩撫傳觀同舍摹奇文僉爲斗鼎賀
得主惟弼結契實最深通鼎精神傳鼎語鼎云劫火
陶邱紅六丁下攝扶風銅威斗銷鑠契刀缺銅鋪長
吼咸陽宮此時縱鳴有誰惜污泥潛匿披蒿蓬自從

拂拭入仙館肩隨卣爵儕鉞鍾鹽梅菜菽助鷓鴣黃
耳玉鉉光熊熊願勒立戈舉冊象光昭釜繹鑿厥彤
願鐫綽綽多福字子孫寶用無終窮公堅此意若金
石鼎縱能言議無易舍人不達一晒之圖形作詩合
三冊裹以蒲萄古錦緜香茶匱匱加鏤刻封題嘉遣
歸名山衙齋肆筵羅酒食濡染大筆揮琳琅徵歌媵
鼎壯行色百千祀物含精靈臨別依依衛門戟大江
白日蛟鼉高山靈夾護登晴霄古仙下視黃鶴駭海
門湧出朱霞標夜深炬火照烏鵲离魅罔兩紛遯逃
江雲海日互摩盪撞鐘伐鼓飛廉朝周京漢京兩神

寶萬年永鎮長松寮

方廷瑚

吉金重鼎彝精神孕山嶽銅花齧蝕餘得一夔已足
吾師富藏弄古器羅櫝積商周息羸秦審定劇精確
就中西漢鼎隸古銘可讀器蓋藪煮湘鼻耳苔斑駁
共自隄麋汧量衡咸紀錄漢帝尊陶陵烝嘗表虔肅
五色歆浮雲金景燦盈日火炎草木焦碩果幸不剝
拂拭入仙館賴免汙萊辱吾師位鼎衡說士甘如肉
愛士貢廟廊俾爲蒼生福愛鼎不自私永圖置巖谷
突兀古譙山大江繞其麓中有南仲鼎光燄四山燭

丹山珠交柯藍田璧合珏自古物通神有耦而無獨
海雲枯木堂厥鼎寄幽躅丹青繪作圖琳瑯書作幅
送鼎載沙棠網緼雲氣覆翻嗤饕餮者岑廩紛爭逐
壽夢應晉求甲父饜齊欲名或誇嗜古實不能免俗
孰如此一舉鼎壽無疆祝奇光奪珉碑佳話壓玉局
遙夜山靈朝皓月照黃鵠

分題琅嬛僊館所藏畫扇各得十絕句

王聘珍

十洲金粉展新圖日月山川數九如我愛南窗肆周
雅太平人讀書中書 仇英九如圖

一籬風月自清華占斷柴桑處士家豈愛霜天凝冷
豔生來原是耐秋花

陳道復菊花

殘雲紅到亂鴉巢一片秋聲落樹梢橋上何人閒覓
句寺門煙鎖未曾敲

陳煥夕陽古寺

一代收藏項墨林更揮縑楮到如今靈妃清節騷人
佩夜雨春風湘水深

項德新蘭竹

冉冉晚雲濃欲墮濛濛春樹悄無聲欲教天下崇朝
雨莫愛山中萬壑清

沈運雨意

草長花飛春色饒黃鶯已老燕成巢愛他解籜新篁
好已自虛心訂石交

武光輔拳石新篁

蒼蚪偃蹇晝陰圓藥興歸來詎偶然待得菊花開盡
後舊盟重證歲寒天

陳明自畫淵明撫松盤桓

瓊樓玉宇了無塵更有清風引故人坐到無聲彈指
笑何人明月是前身

程嘉燧坐月圖

海棠睡裏夢難拋春意還須倩蝶捎顧影自憐紈扇
在東風落日滿花梢

仇英美人

清閨妙筆灑幽蘭不趁殘脂畫牡丹好似一叢春半
發停雲館外雪中看

趙文俶蘭花

金石圖書結古歡更將幽契託豪端子猷去後林逋
許珩

許珩

隱誰共先生譜歲寒

項元汴歲寒三友圖

何時却買好溪山小築濃陰紫翠間暑雨初收成獨

酌倩誰圖畫此清閒

文徵明山水

侵曉生憎破夢思薄寒已到噤聲時怪他高潔惟餐

露也向秋風借一枝

唐寅秋蟬圖

漢江南上接沅江卅載征颿氣已降展卷自傷飄泊

慣今宵清夢落篷窗

文從昌烟江帆影

與可篔簹吳鎮梅兩君清韻絕塵埃能將寸管兼雙

妙畢竟孫郎鼎足來

孫克宏梅竹

扁舟十度向秦淮飽看江南秋色佳獨有春光探未

得畫工應為我安排

高簡仿趙大年江南春色

遶砌秋花一蝶飛家風待詔致依稀鏡奩舊貯滕王

稿重碾香煤染蝶衣

趙文倣秋花蛺蝶

中山獵火幾時銷撲朔荒原野

三窟未成歸不

得西風獵獵莽蕭蕭

江雲秋蕪

研朱調露寫新紅冷豔玲竚怯晚風瘦石一卷斜點

綴秋心何處不玲瓏

陸治秋花卷石圖

江煙江樹兩模糊蕭寺鐘聲欲斷無宛憶方生新句

好朝暎紅上一浮圖

宋旭烟樹寶幢

王宗敬

煙雲縹緲水滌洞一棹空明訪客回若個新詩敲未
穩杖藜吟過短橋來

沈仕秋溪獨棹

漢宮高柳遍垂青小步章臺鬪尹邢無限幽詞寫團
扇長門春色怨常局

仇英二美圖

葱蘢佳氣結雲根萬疊龍鱗護石門爲學神仙愛松
實山中甲子不須論

王建章萬壑千松

疎林環抱讀書堂落葉蕭蕭響夜涼夢裏秋聲全領
略更無新賦敵歐陽

文徵明秋林書屋

不向煙波釣巨鼇江聲百尺接天高鍾期未遇琴臺
寂獨傍長松聽怒濤

唐寅觀濤圖

一枝紅杏出香塵雪盡寒消點綴勻羨煞烏衣新燕

子飛來先占曲江春

陳道復杏花春燕

明月清風任取攜長波滾滾咽征鼙而今夢斷橫江

鶴峭壁孤縣何處栖

陸治赤壁圖

露團三徑草荒蕪蟲蝶逍遙與不孤他日繁英就消

歇應從此覓送秋圖

陳嘉言草蟲

桃花灼爍烏綿蠻繡閣春深晝掩關一種芳情誰覩

得解將綵筆肖紅顏

王維烈碧桃黃鳥

姚黃魏紫辨依稀似帶春陰露未晞莫是玉環新被
酒傾將御硯汗龍衣

伍瑞隆墨牡丹

陳鴻壽

摩崖題破舊苔痕淺翠深紅擁鹿門自汲清泉三百
斛不知人世有崑侖

祝昌峭壁流泉

界道飛流雪不如樓臺層疊瞰空虛舊遊最憶天台
路華頂歸雲落筍輿

謝道齡石梁圖

青山黃葉白雲中轉厭繁花二月紅人澹不如秋更
澹尋秋直過小橋東

趙左秋山霜葉

拒霜含豔最清華鷗鷺同盟過淺沙秋水一匳天一
角不須根觸到琵琶

王醴秋塘飛鷺

春水漫時遲夕陽釣絲牽得落花香阿儂不解別離

恨日日扁舟泊柳塘

華鯤柳塘漁艇

一夜霜催柿子紅蘆花如雪舞西風西溪莫待探梅
去最好秋痕晻靄中

周之冕白蘆红柿

飄然誰識古衣冠海闊天空仰首看我我周旋寧作
我一筇瘦影話荒寒

陳洪綬攜筇獨立

尚書胸次無纖塵十指拂拂生青春由來國色自富
貴莫以名花例美人

高其佩指頭牡丹

徐福樓船海上來侈言三島盛樓臺祇疑蜃氣空中
撰不若將軍生面開

翁楨仙山樓閣

一鐙如豆掩疎櫺歷歷秋河引衆星我自微吟蟲自

語更無幽恨倩誰聽

李璧草蟲

顧廷綸

無數飛花繞碧流水彎彎處泊漁舟翁家不識人間

世未許重來是此遊

仇英桃花源前圖

溪山盡處見村莊失路人來指示忙漫道此中真避

世也將雞黍款漁郎

桃花源後圖

山光凝碧水紆青積潤初收釀薄晴唯有春愁消不

得隔林猶聽鶉鴉聲

張麀宿雨初收

丁字簾前水遶扉蓉塘花鳥護毛衣阿儂性亦依人

慣生學死央怕獨飛

陳永仁蓉塘瀟瀟

東籬香繞碧琅玕一樣秋容最耐寒千載淵明有知

己要留清節與人看

祁豸佳竹菊

西風嘹唳雁聲遲淒絕寒林揀故枝想是蘆花銜不

盡歸來要趁月明時

王贇寒林歸雁

亭臯木脫四山空位置偏宜著此翁夜半書聲徹明

月驚他猿鶴訴秋風

董其昌寒木山居

棧閣連雲蜀道難崎嶇風雪又驚寒怪他戎幕資糧

者尚擁金貂醉玉鞍

侯懋功風雪運糧圖

老梅繆屈石嶙峋雪意花光澹入神底事毫端幻清

絕料因明月是前身

章聲梅花

此生飄泊水雲鄉零落秋風也自傷不寫飛鸞寫征雁要他銜恨寄香光

林雪蘆雁

張鑑

花前退直罷朝餐貌出兜羅墨未乾莫笑唐羌曾置驛越裳消息近珠官

蔣廷錫佛手柑

細柳團營散紫驕角觡弓外見河流將軍昨夜潼關入閒殺西風勅勒秋

周臣柳塘洗馬圖

開時西府亞珠胎練鵲濠梁不數崔一曲笙詩誰譜得油油春意滿南陔

徐邦棠上白頭翁寫意

懸磬先生每晏如朝朝忍餓寫寒樗一枝九節仙人

杖拄到匡廬讀道書

錢穀攜筇觀瀑

阿龍戰苦蒜山前九友飄零感暮年自是蓬萊清淺後秦淮高閣小游仙

藍瑛仿梅道人仙居樓閣

延瀨薪歌少和聲誰吟招隱愛閒行長松絕壑清於水六月披裘不世情

黃文立隔水問樵夫詩意

秋風木落雁成雙會上涔陽萬里江髣髴懷人清夢斷暗潮打枕臥篷窗

張源瀟湘夜雨圖

九嶷寒影繞函關雨後空思匹馬還想像塞翁官舍冷放衙初過寫秋山

吳山濤雨餘山色

紗帽圍棊調水符王郎人物妙梨模松風吹入長安

夢賭得宣城太守無

王化成煮茶對弈

家世紅欄里舊稱女孫才調擅休承苗香花底金泥

蜨知是滕昌祐未能

趙文俶花蜨

吳江程邦憲竹厂

西風吹鬢晚森森寒鳥啾啾乍入林祇有詩人偏耐

冷丹楓一路照微吟

沈周霜林樓鳥

拍手兒童樂事真拈毫若箇爲傳神莫嫌椎角癡駮

甚此是街前竹馬人

謝彬嬰戲圖

打頭茆屋白雲堆屋外新栽幾樹梅夜半孤吟叫清

絕月明恐有鶴歸來

吳修梅花書屋圖

青山隱隱隔橫塘春到佳時雨亦香著手嫩雲飛不

起碧波如鏡寫如央

魯治著色山水

一拳孕碧影濛濛東海何人納袖中畫石如雲纔著

紙便爲雲去亦玲瓏

范叔成拳石

琅玕深護碧堂陰當午曾無暑氣侵夏玉清聲聞撥

阮就中默坐是琴心

朱尚質竹林清暑

幽姿如笑亦如顰思婦花開是此身斜月簾櫳秋夢

淡一雙寒蝶瘦依人

周之冕秋海棠

啼紅怨綠總無聊雨洗臙脂色易銷一片春魂無覓

處侍兒扶起寫生綃

林秋香墨桃花

秋容點染最清妍十里蘼蕪碧化煙蝴蝶有情還栩栩身輕都受美人憐

陳洪綬紅蕉飛蝶

虛堂寂寂寫秋清疑有涼颺筆底生石鼎自聽吟蚓竅打窗寒雨正詩成

華岳竹堂秋色

朱為弼

羅列商彝與夏壺主賓相對靜研摹我生金石真成癖恨不將身入畫圖

仇英博古圖

澹澹青山藹莫煙士貞畫法有師傳怪他風致清如許為飲茶甌碧玉泉

居節山水

日暮湘江冷白雲幽蘭吹氣動風薰題詩為報同心

者未到花時便憶君

顧時啟蘭花

鎮日山行翠欲迷茂林隱翳路高低最難人與松俱健萬壑濤聲送馬蹄

吳偲松林策騎圖

一路山光瘦碧螺畫中詩客意如何蹇驢行緩休鞭策我愛秋林紅葉多

許良秋山策蹇

石門妙筆劇微茫寫出大孤山色蒼何日飛登翠微頂俯臨彭蠡水天長

宋旭大孤山圖

歲寒三友舊同盟更喜周郎圖五清翠色不凋香自冷最宜黃月半窗明

周之冕五清圖

何人縮地仿壺公萬里輿圖尺幅中笑我年來編地

里兔毫禿盡總無功

無名氏地里圖

寫花餘技寫山巒山亦如花秀可餐縱是夕陽秋影

淡墨花飛灑未曾乾

惲壽平秋山夕陽

壬戌之秋赤壁游坡公一賦足千秋文翁書法仇翁

畫合共江風山月畱

仇英前赤壁圖文徵明書賦

方廷珩

青山疊疊水瀧瀧人去臺空泊釣艘未到此間潮已

落怕流餘恨過桐江

王成富春山色

江月江風夜寂寥斷紅殘壁隱重霄披圖更讀蘇公

賦恐有清音裂洞簫

文伯仁前赤壁圖

攜客重來大有緣山高木落峭寒天夢回省識斯遊

好孤鶴橫江枕月眠

後赤壁圖

幽居鹿柴許誰尋人與瑤琴結契深滿樹松風滿庭

月祇他仙鶴是知音

文伯仁松下攜琴

籬角黃花剩一叢池邊白鷺怯秋風呼朋清讌遲三

日恰喜新霜染橘紅

仇英畫荷盡菊殘詩意

詩成一笑酒初熟門掩三秋歸去來此意衡山偏解

得筆端生面爲重開

文徵明清流濯足圖

脫却芒屨坐水隈溪流一曲一瀠洞知君饒有清閒

福肯向紅塵插脚來

文徵明清流濯足圖

君家健筆利于錐閒寫修篁態亦奇自是凌雲有仙
骨墨痕浮動尚猗猗

毛際可墨竹

心香一縷接徐黃小朶瓊葩放晚涼值得名姝畱一
盼憐他無分上釵梁

沈樹玉茉莉

綠天菴外樹新栽淺碧階痕欲上苔誰坼春風書一
紙教人苦憶石交來

周之冕蕉石

阮元

古木荒山一徑開坡陀小坐破蒼苔兩人猶有論詩
事不若蒼茫獨立來

謝時臣陂塘逸侶

午後山居似小年水亭高柳綠遮天無聲詩畫誰參

得聒耳應聞百个蟬

宋懋晉夏木谿亭

我曾兩到大龍湫不似圖中泛小舟或者子傳未曾
到試穿芒屨踏山遊

陸師道龍湫圖

但覺山中日太長不知人世有端陽扁舟何處堪垂
釣高柳垂陰風正涼

陳裸柳陰獨釣

我愛滄洲畫筆閒漁人小舸住蘆灣偶將短笛吹詞
譜白鳥一雙飛過山

錢貢蘆灣漁笛

誅茅壘石野人家流水危橋傍岸斜策杖客來容易
認亭邊百尺馬纓花

唐寅谿橋獨步

疏林亂石水潺潺多少歸雲落遠山何處訪人尋句

去夕陽時候權舟還

文徵明山水即用作待詔自題韻

吳中山水吳人畫五種雲煙合一山欲令五人結茆

住各分邱壑共煙巒

王芳王聲張宏袁尚繞吳令合筆山水

楸花一朶認前身恰與幽蘭共好春報盡瓊瑤拾香

草詩人零落到騷人

蔣溥木瓜蘭花

能將彩筆寫鉛華挾彈歸來日未斜記得唐人詩句

好馬前初見米囊花

薛素卿鶯粟花

唐雞林道經略使印歌

并序

許珩

案新唐書龍朔三年置雞林州大都督府以新羅國王金法敏為之上年元元法敏納高麗叛眾又收百濟故地上怒以同中書門下三品劉仁軌為雞林道大總管衛尉卿李弼右領軍將

軍李謹行副之弼旋卒二年劉仁軌破新羅以李謹行為安東鎮撫大使不云為經略惟通鑑云為鎮撫大使以經略之乃序事之辭非書官也又案唐百官志有安撫使無鎮撫使竊意此時法敏反側謹行本鞅鞞名將賜今姓名史稱其勇蓋軍中故令為經略使以鎮撫之溫公書不知何緣倒置耳抑或鎮撫即安撫而以經略為兼官如景雲以後節度使兼官之例亦未可知再考新羅傳謹行既為鎮撫三戰皆捷法敏乃謝罪入貢詔復其王爵嗣後往來皆用藩國禮又自置九州都督當時國中不容尚有華官是經略實用以鎮撫一時旋即罷去而後此亦絕無雞林道之名則此印可直斷為謹行所佩矣

中丞漢印富藏畜李唐官印何足錄中丞重印尤重

人官印得人皆可珍經略使設自貞觀防禦邊州控

蕃漢總管持節爰兼官龜鈕纍纍組重綰龍朔初建

雞林州法敏時嗣金春秋新羅王攝大都督尚方金
袋蟠螭虬招亡納叛惡反復帝赫斯怒廷臣謀中書
領軍并道出七城倏忽風驅漚當年未擬置漢吏到
此躊躇虞詐偽將軍坐鎮擁旌節更握銅章司度計
唐百官志經略使以計度爲上考帝曰謹行無遽歸一夫當關臥老
羆三案重開判三日紫泥洗滌刊無虧史書俾作鎮
撫使百官志缺恐非是此官當以經略充一印足補
唐傳紀邊臣此例何所仿英公安撫印常兩鴨淥海
谷各異道惜哉未見符郎掌唐初蕃將多從戎燕公
最號功名終營州積石屢著績乾陵獨伴烏號弓本傳

謹行卒封燕國公陪葬乾陵

我稽唐印列名姓無者傳佩著爲令

何緣此印落人間絲髮模存紫花迸

張舜民畫墁錄唐印文如絲髮

買肖城邊戰血殷貔貅三捷虜心寒東南貢篚初通

譯壯士長歌已入關歸來此印再拜上收印銘勳付

司藏雞障空禳舞馬悲誰摩故物思邊將爾時鐵券

旌功臣太息懷恩竟負恩懷光抵地事髮指不堪下

示今茲人千二百載護神物絕塞威名畱髣髴想見

高鈐露布中莫婁勿吉寒生栗吁嗟乎李唐拓地僅

一方華官雜治非久長一印流傳閱桑海武功照耀

今猶在我

朝土宇三萬疆

天子守吏羅要荒伊犁吉林斗大章鳳山鹿耳犄海疆可知御遠重威德此印應爲守邊惜詩成儼作七德舞詩名試訪雞林賈

余舊以雞林道經略使印足十印之數嗣得李忠印而易之故許君詩從附錄焉元識

八瓠吟館刻燭集卷一

